

§. 8.

Ipsa Scriptura S. testimonium omni exceptione majus hujus gentilium ἀποστόλος perhibet Act. 17. 18. ubi Athenienses Paulum ἐπεμολύγον & novorum dæmoniorum denunciatorem appellitant, quod illis Jesum Christum & resurrectionem mortuorum annunciat. Commate in sequente §2. audientes resurrectionem mortuorum, alii eum irridebant, alii vero dixerunt: Audiemus te de hoc item, Conf. Act. 26. 8. & 24. ubi resurrectionem mortuorum profrenti Festus magna voce regessit: INSANIS PAULE! Tanto conatu, tantaque; confessione gentiles à fide hujus resurrectionis abhorserunt.

§. 9.

Gentilibus longo ordine suppetias tulerunt variis variorum temporum adversarii. Versante adhuc in terris Dominio nostro Iesu Christo mortuorum resurrectionem inficiabantur Sadducæi, de quibus videri poterit, Josephus l. 13. Antiquit. c. 9. & l. 18. c. 2. nec non de bello l. 2. c. 12. Epiphan. quoque heresi 14. Conf. ante omnia Matt. 22. 23. Marc. 12. 18. Luc. 20. 27. Act. 23. 8. quos ad incitas rededit apud Matthæum l. c. ipse Salvator noster, & quidem ex ipso Mose, sive quod ipsi præter Mosen reliquas scripturas V. T. parvi facerent, adeoque ex Mose convincendi essent, sive quod ipsi è Mose argumentum contra resurrectionem mortuorum Domino nostro Iesu Christo objectavissent. De Hymenæo & Phileto Paulus refert 2 Tim. 2. 17, 18. quasi adseruerint resurrectionem jam esse factam, sive per poenitentiam & fidem, sive per liberorum procreationem, sive per animarum in alia corpora transitum, sive per regenerationem judæorum ex captivitate Babylonica, sive per renovationem terræ, quæ sit verno tempore; sive per baptismum, sive per resurrectionem Christi, sive illorum qui Matth. 27. 52. resurrexisse leguntur, uti alii aliter horum mentem explicarunt, quo de pluribus videri poterit Magnif. Dn. D. Calovius in Bibliis illustrat. ad. h. l.

§. 10.

Samaritanæ apud Epiphanius heresi 9. mortuorum resurrectionem ignorarunt, nec crediderunt. Simon Magus, quem Nicephorus l. 2. H. E. c. 14. heresim omnium Ducem & principem vocat, & ad seculæ ejus, Simoniani, carnis resurrectionem negabat, juxta Augustinum